

Rusi ne odlaze iz brodske Rafinerije, tvrdi prvi čovjek Optima grupe Andrej Ozerov.

“Ne planiramo napustiti ovo tržište, finansijski pokazatelji pokazuju da mi smanjujemo gubitke i u 2016 planirano je da poslujemo bez gubitaka”, rekao je Ozerov novinarima, izvještava ATV.

Dugovanja državi su reprogramili i ministar energetike uvjerava, uredno ih servisiraju. Investitor koji je od dolaska uložio 400 miliona eura i posluje na skučenom tržištu, kaže, treba pomoći. Zato će se založiti da se modernizacija s ciljem smanjenja zagađenja planirana do 2017. koja bi Rafineriju godišnje opteretila sa 3 miliona, prolongira.

“Mi ćemo u svom akcionom planu kao RS prdožiti da se taj period pomjeri na 2020 jer je to isti uradila Srbija i očekujemo da će prema tom stavu biti puno razumijevanja unutar BiH”, rekao je ministar industrije, energetike i rudarstva RS Petar Đokić.

Brodska Rafinerija zapošljava više od hiljadu radnika i stub je razvoja brodske privrede. Na ulicama tog gradića ne žele ni da pomisle kako bi sve funkcionalisalo bez nje. U priču o odlasku Rusa ne vjeruju, jer ona je aktuelna kažu od kako su došli.

Poznanici onih koji su na platnom spisku Rafinerije kažu da je najmanja plata oko 800 maraka. Brođani imaju i svoju teoriju o zagađenju. Oni koji u njoj rade, zagađenje ne osjete, ostale podsjećaju da je i decenijama unazad radila, a tada se niko nije žalio.

izvor: indikator.ba